



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL  
**PANELI ZGJEDHOR PËR ANKESA DHE PARASHTRESA**  
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.65/2025

**PANELI ZGJEDHOR PËR ANKESA DHE PARASHTRESA (PZAP)**, në panelin e përbërë nga gjyqtarët: Kymete Kicaj kryesuese, Skender Çoçaj dhe Arsim Hamzaj anëtarë, duke vendosur përkitazi me ankesën e Subjektit Politik Lëvizja Vetëvendosje (LVV), me seli në Prishtinë, paraqitur kundër Subjektit Politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025, në seancën e panelit të mbajtur më datë 20.01.2025, merr këtë:

### V E N D I M

- I. Pranohet e bazuar ankesa e subjektit politik Lëvizja Vetëvendosje (LVV), me seli në Prishtinë, Anr.65/2025 e datës 18.01.2025.
- II. Subjektit Politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjobë në lartësi prej 3.500.00, (tremijë e pesëqind) Euro.
- III. Detyrohet Subjektit Politik Lidhja Demokratike e Kosovës (LDK), me seli në Prishtinë, që gjobën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

### A r s y e t i m

Me datë 18.01.2025 PZAP-i, ka pranuar një ankesë nga subjekti politik Lëvizja Vetëvendosje (LVV), me seli në Prishtinë me të cilën pretendon se më 17 janar 2025, në qytetin e Podujevës, Lidhja Demokratike e Kosovës (LDK), ka vendosur posterë në hapësirat publike të kandidates për deputete Doruntinë Maloku. Tutje në ankesë theksohet se ky veprim i subjektit politik LDK, është në kundërshtim me nenin 34 paragrafi 2 të Ligjit Nr. 08/L-228 për Zgjedhjet e Përgjithshme në Republikën e Kosovës -LZP-së , Sipas nenit 34 paragrafi 1 nën paragrafi 1.2 i LZP-së parashihet se: *“1.2. vendosja e njoftimeve , pllakatave dhe posterëve, ose përndryshe vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave në apo mbi rrugët publike në shenjat publike të trafikut, brenda ose jashtë hapësirave ose ndërtesave të*

*zëna ose ndryshe që shfrytëzohen nga organizatat ndërkombëtare ose brenda ose ne hapësirat private pa lejen e pronarëve ose shfrytëzuesve. Përmes këtij veprimi, subjekti përkatës, ka cenuar rëndë dispozitat përkatëse ligjore. Andaj, duke u mbështetur në bazën ligjore dhe argumentet e lartcekura, kërkojnë që masa e sanksionit të vendoset në përputhje me legjislacionin në fuqi.*

Si provë parashtruesi i ankesës ka bashkangjitur një fotografi që dëshmon vendosjen e posterit në kundërshtim me LZP-në.

Më datë 19.01.2025, PZAP-i, e njoftoi subjektin politik Lidhja Demokratike të Kosovës (LDK), me seli në Prishtinë, për ankesën e paraqitur kundër tyre, duke i dërguar kërkesë për përgjigje deri me 20.01.2025 në ora 10:00.

Në përgjigje në ankesë të paraqitur me datë 20.01.2025, subjekti politik Lidhja Demokratike e Kosovës (LDK), ka kundërshtuar ankesën e paraqitur nga subjekti politik Lëvizja Vetëvendosje (LVV) lidhur me pretendimet e theksuara në ankesë se kandidatja për deputete Doruntinë Maloku ka shkelur nenin 34 paragrafi 2 të LZP-së me rastin e vendosjes së posterit është e diskutueshme për nga ana ligjore, pasi që në hapësirën ku e ka vendosur posterin nuk është as në rrugë publike e as mbi rrugë publike por në trotualet që shfrytëzohen nga bizneset përreth ku njëri prej tyre është biznesi Olt-Trans Sh.p.k i cili i ka lejuar dhe mundësuar vendosjen e posterit, i cili për shfrytëzimin e hapësirës ka kontratë me komunën, e cila është bashkangjitur si provë. Pasi që biznesi Olti –Trasing Sh.p.k operon dhe e shfrytëzon atë hapësirë si të veten dhe e ka dedikuar për reklamime të ngjashme një veprim i tillë konsiderojmë se nuk cenon ndonjë nga dispozitat ligjore të LZP apo rregullave zgjedhore. Me tej theksojmë se një veprim i tillë nuk bie në kundërshtim me nenin 34 paragrafi 2, madje me asnjë nga kufizimet e nenit 7 të Rregullores Zgjedhore Nr.07/2024 për Fushatën e Zgjedhjeve, Monitorimin e Fushatës së Zgjedhjeve dhe Deklarimin Financiar.

Poashtu në përgjigjen në ankesë theksohet se sipas fotos së bashkangjitur si provë nga kufizimet e lartpërmendura nuk ka të bëjë me posterin e vendosur nga ana e kandidatës për deputete dhe se prova e bashkangjitur dëshmon krejt te kundërtën e pretendimit ankimor.

Andaj duke marr parasysh ato që u ceken me lart, kërkojmë nga PZAP që të refuzohet si e pa bazuar ankesa e subjektit LVV, dhe të merret vendim meritor, si dhe të mos aplikohet ndonjë masë sanksionuese/ndëshkuese

PZAP-i, pasi që shqyrtoj dhe vlerësoi ankesën gjeti se :

#### **-Ankesa është e bazuar.**

Paneli pas shikimit të shkresave të lëndës dhe përgjigjes në ankesë të paraqitur nga Subjekti Politik LDK, vlerësoj se pretendimet e Subjektit Politik LVV, janë të qëndrueshme dhe si të tilla i aprovoj për faktin se veprimet e përshkruara në ankesë paraqesin shkelje të dispozitës së nenit 34 paragrafi 1 nën paragrafi 1.2 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet se *“Vendosja e njoftimeve, pllakateve dhe posterëve, ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave në apo mbi rrugët publike, në shenjat publike të trafikut brenda ose jashtë hapësirave ose ndërtesave të zëna ose ndryshe*

*që shfrytëzohen nga organizatat ndërkombëtare ose brenda ose ne hapësirat private pa lejen e pronareve ose shfrytëzuesve.”*

Ndërsa nga përgjigja ne ankesë, Subjekti Politik LDK i referohet se është pjesë që shfrytëzohet nga bizneset për reklama dhe njëri prej tyre është biznesi Olt-Trans Sh.p.k i cili i ka lejuar dhe mundësuar vendosjen e posterit, i cili për shfrytëzimin e hapësirës ka kontratë me komunën, e cila kontrate është bashkangjitur si provë.

Mirëpo paneli ka shqyrtuar kontratën si prove dhe ka vërejtur se kontrata ka skaduar me date 31.09.2022. Sa u përket pretendimeve nga përgjigja ne ankese se posteri nuk është vendosur ne rruge publike apo mbi rruge publike, paneli sqaron se edhe trotuaret janë hapësira publike dhe cenimi i atyre hapësirave për vendosjen e posterave te kandidateve qe garojnë për zgjedhje pa leje përkatëse bie ndesh me dispozitat e Kodit e Zgjedhor

Andaj duke u mbështetur në nenin 117.3 të LZP-së ku përcaktohet se: *“vendosja për ankesat nga PZAP-ja mbështetet në dëshmi të qarta dhe bindëse”*, Paneli vlerësoj se pretendimet e tilla janë të qëndrueshme dhe si të tilla i pranoi, sepse kjo shkelje ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politik të jenë në një atmosferë të tolerancës demokracisë, paqes dhe respektit për sundimin e ligjit se nga veprimet e përshkruara në ankesë nga parashtuesi i ankesës paraqesin shkelje të dispozitave të lartcekura, dhe të njëjtën e pranoi si të bazuar.

Paneli, me rastin e vendosjes së gjobës si në dispozitiv të këtij vendimi, ka marrë parasysh të gjitha rrethanat si në vijim : natyrën e shkeljes, dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, se ky veprim i tyre përbën përsëritje të shkeljes së legjislacionit zgjedhor, pra ka bërë shkelje të tilla edhe në proceset e mëparshme zgjedhore. Kjo konsiston në faktin se Subjekti Politik LDK, ka qenë i njoftuar me obligimet dhe përgjegjësit gjatë procesit të fushatës zgjedhore. Andaj përfshirja e posterëve të subjektit të tyre politik për fushatë zgjedhore në hapësira publike gjegjësisht në rrugën publike në Komunën e Podujevës, përbën shkelje të legjislacionit zgjedhor, saktësisht e sanksionuar me dispozitën saktësisht e sanksionuar me dispozitën e nenit 34 paragrafi 1 nën paragrafi 1.2 të Ligjit NR.08/L-228, për Zgjedhjet e Përgjithshme në Republikën e Kosovës, dhe të njëjtit subjekt politik për të njëjtën shkelje i është shqiptuar gjobë nga PZAP-i, me Vendimin Anr.57/2024 datë 19.01.2025.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 dhe neni 120 paragrafi 1 nen parafi 1.3 të LZP-së, të LZP-së, paneli vendosi si në dispozitiv të këtij vendimi.

**Paneli Zgjedhor për Ankesa dhe Parashtresa**

Anr.65/2025 datë 20.01.2025

**Kryesuese e Panelit**

**Kymete Kicaj**



***Këshilla Juridike:** Kundër këtij vendimi nuk është e lejuar ankesa sipas nenit 118 par. 4 të LZP-së.*